

**AVALIAÇÃO: 1ª AVALIAÇÃO DO 1º SEMESTRE 2020**

**PROFESSOR: FRANCISCO VÉRAS**

**DISCIPLINA: LATIM III**

**SEMESTRE: 3º - FILOSOFIA**

ENTREGAR VIA E-MAIL: [verasfrancisco@bol.com.br](mailto:verasfrancisco@bol.com.br)

DATA DA ENTREGA DO TRABALHO: até 24/04/2020

ALUNOS: DIVIDIDOS EM 5 GRUPOS DIFERENTES

**ORIENTAÇÕES SOBRE O TRABALHO: A turma deverá ser dividida em 5 grupos e 5 trabalhos diferentes devem ser enviados para meu e-mail com os nomes dos participantes de cada grupo em seu respectivo trabalho.**

**Faça a tradução do texto abaixo em arquivo de word, fonte colibri 12, justificado, com todos os nomes dos participantes e enviem para o e-mail acima.**

### VIA LATINA

In Italia multae et magnae viae sunt: via Appia, via Latina, via Flaminia, via Aurelia, via Aemilia. Via Appia est inter Romam et Brundisium; via Latina inter Romam et Capuam; via Flaminia inter Romam et Ariminum; via Aurelia inter Romam et Genuam; via Aemilia inter Ariminum et Placentiam. Brundisium, Capua, Ariminum, Genua, Placentia, Ostia magna oppida sunt. Ubi est Ostia? Ostia est prope Romam. Tusculum quoque prope Romam est. Brundisium non est prope Romam, sed procul ab Roma: via Appia longa est. Via Latina non tam longa est quam via Appia. Quam longa est via Flaminia? Neque ea tam longa est quam via Appia. Tiberis fluvius non tam longus est quam fluvius Padus. Circum oppida murisunt. Circum Romam est murus antiquus. In muro Romano duodecim portae sunt. Porta prima Romana est porta Capena. Circum oppidum Tusculum murus non tam longus est quam circum Romam.

Villa Iulii est prope Tusculum. Ab oppido Tusculo ad villam Iulii non longa via est. Ecce Iulius et quattuor servi in via. Iulius ab oppido ad villam suam it. Dominus et servi ab oppido ad villam eunt. Dominus in lectica est. Duo servi lecticam cum domino portant. Servi qui lecticam portant sunt Ursus et Davus. Iulius non in via ambulat, servi eum portant. Syrus et Leander ambulant. Syrus saccum portat et Leander quoque saccum portat: Syrus et Leander duos saccos in umeris portant. Sacci quos Syrus et Leander portant magni sunt, sed saccus

quem Syrus portat non tam magnus est quam saccus Leandri. Quattuor servi dominum et duos saccos ab oppido ad villam vehunt. Iulius in lectica est inter Ursum et Davum. Ursus est ante Iulium, Davus post eum est. Syrus et Leander non ante lecticam, sed post lecticam ambulant. Venitne Iulius a villa? Non a villa venit. Unde venit Iulius? Ab oppido venit. Quo it Iulius? Ad villam it. Post eum Tusculum est, ante eum est villa. Iulius solus non est, nam quattuor servi apud eum sunt. Medus non est apud dominum, nam is dominum iratum timet. Medus est malus servus qui nummos domini in sacculo suo habet. Dominus servos malos baculo verberat; itaque servi malum dominum et baculum eius timent. Davus autem bonus servus est, neque is Medum amat. Davus amicus Medus non est, nam servus bonus et servus malus non amici, sed inimici sunt. Medus est inimicus Davi. Ursus autem amicus Davi est. Medus abest a domino suo. Estne in oppido Tusculo? Medus Tusculi non est; neque Romae est Medus, sed in via Latina inter Romam et Tusculum. Unde venit Medus? Tusculo venit, neque is ad villam Iulii it. Quo it Medus? Romam it. Tusculum post eum est, ante eum est Roma. Medus via Latina Tusculo Romam ambulat. Etiam Cornelius, amicus Iulii, in via Latina est inter Romam et Tusculum. Unde venit Cornelius? Is non Tusculo, sed Roma venit. Quo it? Cornelius non Romam, sed Tusculum it. Roma post eum, ante eum Tusculum est. Cornelius in equo est. Equus qui Cornelium vehit pulcher est. Iulius et Cornelius ad villas suas eunt. Villa ubi Iulius habitat prope Tusculum est. Ubi habitat Cornelius? Is Tusculi habitat. Iam Iulius prope villam suam est. Servi qui lecticam portant fessi sunt. Dominus autem fessus non est, nam is non ambulat. Iulius ab Urso et Davo portatur, itaque is fessus non est. Fessi sunt Syrus et Leander, nam ii duos magnos saccos umeris portant, neque vacui sunt sacci! Sacci qui a Syro et Leandro portantur magni sunt, sed saccus quem Syrus portat non tam magnus est quam saccus qui a Leandro portatur. Itaque Syrus non tam fessus est quam Leander. Cornelius non est fessus, nam is equo vehitur. Iulius lectica vehitur. Servi ambulant. Domini vehuntur. Medus ambulat, nam is servus est neque equum habet.

Iulius prope villam suam est. Medus autem, qui dominum iratum timet, procul a villa Iulii abest. Dominus a servo malo timetur. Medus prope Romam est; iam muri Romani ab eo videntur et porta Capena. (Is qui via Latina venit per portam Capenam Romam intrat.) Cur Romam it Medus? Romam it, quia Lydia Romae habitat, nam Lydia amica eius est: Medus

Lydiam amat et ab ea amatur. Medus Romam vocatur ab amica sua, quae femina est pulchra et proba. Itaque is fessus non est et laetus cantat: *Non via longa est Romam, ubi amica habitat mea pulchra.*

Sed id quod Medus cantat a Lydia non auditur! Iam Iulius in villa est et ab Aemilia liberisque laetis salutatur. Cornelius Tusculi est. Medus autem Romae est ante ostium Lydiae. Medus ostium pulsat.

Lydia imperat: "Intra!"

Medus per ostium intrat et amicam suam salutatur:

"Salve, mea Lydia! Ecce amicus tuus qui solus Romam ad te venit."

Lydia verbis Medi delectatur eumque salutatur: "O amice, salve! Ubi est domus tua?"

Medus: "Iulius in villa est apud servos suos – neque is iam meus dominus est!" Verba Medi a Lydia laeta audiuntur.